

奉巡撫江北之命聞寇逼欲去逢聖涕泣挽之不得二
十八日遽揚帆西渡防守鎭筭兵亦跳走人心洶洶前
三日有發以敬等通賊逆謀者馮生雲路以告逢聖逢
聖不決密問北撫大笑斥爲狂生於是以敬等懼誅謀
益急時賊欲徘徊馬橋而城人速之故宵馳二十九日
突至攻大東門及翼日未刻大雷雨城上人不能仰視
有寒而仆者雨止各巷口有白衣一二人呼曰賊已從
某門入矣守者內顧賊登其瑕遂不守賊入大肆焚殺
踞王宮以竹堦舁楚藩華燿浮之江逢聖聞變入告夫
人危氏先自盡乃投滋陽橋下以死同時致命者有長
史徐學顏諸生馮雲路明睿汪陞延朱華趙等而明睿